

四經同卷

安六

進學經

卍

錫杖經

貧窮老公經

格

佛說三摩竭經

進學經

宋居士沮渠京聲譯

聞如是一時佛遊舍衛祇樹之園須達精舍
 大賢衆千二百五十人佛告諸比丘有四雅
 行智者常遵丈夫所修達士恒奉不才愚夫
 所不好樂何等為四孝事父母悅色養之守
 仁行慈終始不殺惠施濟乏未曾悋逆遭值
 聖世捐榮履道是四雅行智者所遵丈夫所
 修達士所奉不才愚夫所不好樂佛時頌曰
 智者稱孝愍念慈活故施普給超俗崇寂
 如是正業明士所習聖見已具定至無為
 佛告比丘復有二法若在閑宴或處大衆必
 行莫懈一者靜寂賢聖嘿定二者博學講論

遠義又有二施飯食美味以安身命敷散經
 典開微悅聽食施安身法施遷神二事雖快
 法施為最是以比丘念演妙法宣慧莫癡既
 自洗濯并淨塵著如是道法未度無窮乃名
 出家具足覺了佛說竟比丘歡喜作禮受教
 佛說進學經

卍